



## 16. ORDENANZA FISCAL REGULADORA DA TAXA POR PRESTACION DO SERVIZO MUNICIPAL DE ENSINANZA NO CONSERVATORIO E ESCOLA DE MUSICA.

### Artigo 1. Fundamento e réxime xurídico.

Conforme ao autorizado polo texto refundido da Lei reguladora das facendas locais, aprobado por Real decreto legislativo 2/2004, de 5 de marzo, establécese a taxa prevista no seu artigo 20.3 v) por ensinos especiais en establecementos das entidades locais, que se regula pola presente ordenanza, redactada conforme ó disposto no artigo 16 da citada lei.

### Artigo 2. Feito imponible.

Constitúe o feito imponible a prestación de servizo de ensinos especiais no Conservatorio de Música Profesional e Escola de Música do Concello do Carballiño.

### Artigo 3. Suxeitos pasivos.

Son suxeitos pasivos desta taxa, en concepto de contribuíntes, as persoas físicas e xurídicas, así como as entidades ás que se refire o artigo 33 da Lei xeral tributaria, que solicitan ou resultan beneficiados ou afectados polo servizo a que se refire o artigo 2 desta ordenanza.

### Artigo 4. Dereito a percibir.

A taxa “devengarase” coa presentación de solicitude que inicie a actuación, que non se realizará sen que se teña efectuado o pagamento correspondente.

Cando por causas non imputables ao suxeito pasivo, o servizo non se preste ou desenvolva, procederá a devolución do importe correspondente.

### Artigo 5. Contía.

A contía das taxas reguladas nesta ordenanza fiscal será a fixada na tarifa seguinte:

#### a) Conservatorio Profesional de Música

	≥ 200% IPREM	De 151% hasta 199% IPREM	De 101% hasta 150% IPREM	De 76% hasta 100% IPREM	De 51% hasta 75% IPREM	Hasta o 50% IPREM	FAMILIA NUMER OSA	FAMILIA NUMER. CATEG. ESPECIAL	EMERGE NCIA SOCIAL
i) dereitos de matrícula ordinaria en grao elemental por curso lectivo	743,04 €	387 €	365 €	344 €	322,50 €	215€	215€	0,00 €	107,50 €
ii) dereitos de matrícula por materia en grao elemental	276,48 €	144 €	136 €	128 €	120 €	80€	80€	0,00 €	40 €
iii) dereitos de matrícula ordinaria en grao profesional por curso lectivo	933,12 €	486 €	459 €	432 €	405 €	270 €	270 €	0,00 €	135€



iv) dereitos de matrícula por materia pendiente en grao profesional	362,88 €	189 €	179€	169 €	159 €	106 €	106 €	0,00 €	53 €
v) dereitos prueba de acceso a 2º, 3º e 4º de grao elemental	69,12 €	69,12 €	69,12 €	69,12 €	69,12 €	69,12 €	69,12 €	69,12 €	69,12 €
vi) dereitos prueba de acceso a grao profesional	108,00 €	108,00 €	108,00 €	108,00 €	108,00 €	108,00 €	108,00 €	108,00 €	108,00 €
vii) traslado de expediente	25,92 €	25,92 €	25,92 €	25,92 €	25,92 €	25,92 €	25,92 €	25,92 €	25,92 €
viii) certificación	14,40 €	14,40 €	14,40 €	14,40 €	14,40 €	14,40 €	14,40 €	14,40 €	14,40 €
ix) sobre matrícula	0,50 €	0,50 €	0,50 €	0,50 €	0,50 €	0,50 €	0,50 €	0,50 €	0,50 €
x) dereitos por ampliación de matrícula: importe de la matrícula ordinaria	50%	50%	50%	50%	50%	50%	50%	50%	50%

b) Escola de Música:

	BONIFICACIÓNS (%)								
	≥ 200%	De 151% ata 199%	De 101% ata 150%	De 76% ata 100%	De 51% ata 75%	Ata o 50%	FAMILIA NUMEROSA	FAMILIA NUMER. CATEG. ESPECIAL	EMERXENCIA SOCIAL
	IPREM	IPREM	IPREM	IPREM	IPREM				
i) dereitos de matrícula ordinaria	336,96 €	175,50 €	165,75 €	156€	146,25 €	97,50 €	97,50 €	0,00 €	48,75 €
ii) dereitos de matrícula para proba de acceso a grao profesional (por curso)	518,40 €	270 €	256 €	241 €	227 €	151 €	151 €	0,00 €	76 €
iii) certificación	17,28 €	17,28 €	17,28 €	17,28 €	17,28 €	17,28 €	17,28 €	17,28 €	17,28 €
iv) sobre matrícula	0,50 €	0,50 €	0,50 €	0,50 €	0,50 €	0,50 €	0,50 €	0,50 €	0,50 €

As anteriores tarifas non son acumulables, de xeito que os usuarios/as tan só poderán acollerse a aquela que lles resulta máis beneficiosa.

*Artigo 6. Determinación da unidade familiar*

En tódolos casos seguintes a unidade familiar acreditarase co certificado de convivencia:

1. Considérase que conforman a unidade familiar:

- Os pais non separados legalmente e, se for o caso, o titor ou titora, ou a persoa encargada da garda e protección do menor.
- Os fillos ou fillas menores de idade, con excepción dos emancipados.
- Os fillos ou fillas maiores de idade con discapacidade física, psíquica ou sensorial ou incapacitados xudicialmente, suxeitos á patria potestade prorrogada ou rehabilitada.



- Os fillos ou fillas solteiros menores de vinte e cinco anos e que convivan no domicilio familiar.
  - Familiares ou persoas que convivan no domicilio familiar
2. Cando non exista vínculo matrimonial, a unidade familiar entenderase constituída polo pai, a nai, todos os descendentes e familiares ou persoas que convivan con eles, e que reúnan os requisitos do punto anterior.
  3. No caso de falecemento dalgún dos proxenitores que convivan co causante, acreditarase a circunstancia mediante un certificado de defunción.
  4. Os casos de separación ou divorcio acreditaranse mediante sentenza xudicial ou convenio regulador onde conste a custodia do/a menor.
  5. No caso de separación ou divorcio dos proxenitores con custodia compartida acreditada mediante sentenza xudicial, as rendas de ambos os proxenitores incluíranse dentro do cómputo da renda familiar.
  6. Nos supostos en que o causante da axuda sexa un menor en situación de acollemento, será de aplicación á familia de acollida o disposto nos puntos anteriores.
  7. Para os menores que se encontren en situación de garda, tutela ou atención de día pola Xunta de Galicia, a solicitude deberá ser formulada polo director ou directora do centro de menores correspondente.

#### *Artigo 7. Documentación a achegar para a aplicación das cuotas reducidas*

En tódolos casos os criterios de capacidade económica dos/as obrigados/as, partirase dos seguintes presupostos:

1. Na valoración das solicitudes de taxas reducidas terase en conta a renda per cápita familiar e a situación existente no exercicio fiscal inmediatamente anterior, coa excepción dos supostos onde proceda o outorgamento dunha taxa reducida por familia numerosa, e nos casos de separación, divorcio ou ruptura do vínculo non matrimonial, supostos ambos nos que a súa acreditación na data da solicitude da cuota reducida será tida en conta soamente aos efectos do cómputo dos membros da unidade familiar.
2. A renda per cápita familiar englobará os ingresos netos anuais de todos os membros da unidade familiar, divididos polo número de membros computables do exercicio fiscal que proceda segundo o disposto no parágrafo anterior. É requisito obrigado presentar certificación da vida laboral de tódolos integrantes da unidade familiar en idade laboral.

As persoas que desexan acollerse ás tarifas reducidas recollidas nos anteriores apartados deberán achegar xunto coa correspondente solicitude a documentación que a continuación se relaciona:

📖 Familia numerosa: Copia cotexada do libro de familia e título acreditativo de familia numerosa

📖 Unidades familiares cunha renda per cápita segundo os tramos establecidos en relación co IPREM:

- Certificación de vida laboral de todos os integrantes da unidade familiar en idade laboral.

Ademais, para a determinación destes ingresos seguirase as seguintes regras:



a) No caso de presentación da declaración do IRPF, determinarase pola agregación da base impositiva xeral coa base impositiva de aforro.

b) No caso de non estar obrigado a presentar a declaración do IRPF, estarase aos importes resultantes do certificado de retencións expedidos pola empresa ou das copias compulsadas das nóminas, do certificado de percibir prestacións sociais, e subsidiariamente, da declaración xurada de ingresos presentada por cada membro computable da unidade familiar maior de idade, sen prexuízo de achegarse a certificación correspondente da AEAT sobre os datos fiscais daqueles.

A declaración xurada, para que teña validez, deberá vir acompañada dun certificado da entidade bancaria no que confíen as contas ou depósitos, sobre o saldo medio existente nos seis meses anteriores á petición de axuda, por cada membro computable da unidade familiar maior de idade, así como, de ser o caso, unha declaración xurada dos bens inmobles urbanos e rústicos dos que sexan titulares, coa referencia catastral, ubicación e valor catastral; e declaración dos vehículos de tracción mecánica dos que sexan titulares e data de adquisición. A declaración de titularidade de bens inmobles e vehículos comprobarase cos datos obrantes nos Padróns Municipais, coa consecuencia de que calquera falsedade ou omisión de datos será causa de denegación da bonificación, aplicándose a tarifa base que corresponda ou, nos supostos de tarifas progresivas, a tarifa non bonificada máis alta.

Se pola valoración do saldo existente en contas, dos bens ou pola recente adquisición destes, se evidencian signos de capacidade económica suficiente da unidade familiar, non se terán en conta os ingresos declarados, denegarase a bonificación e aplicarase a tarifa sen bonificar.

A non presentación da documentación vencellada a dita declaración xurada no prazo outorgado de subsanación, dará lugar a denegación da bonificación, aplicándose a tarifa base sen bonificar.

c) Nos supostos de separación, divorcio ou ruptura do vínculo non matrimonial, a renda procedente das pensións compensatorias establecidas nos convenios reguladores, agás denuncia do seu impago acreditada formalmente e vixente na data da solicitude, será tida en conta para a determinación da capacidade económica do solicitante. Dita renda incrementarase atendendo á variación interanual do IPC dende a data da sentenza ou formalización do convenio regulador.

d) Se nos supostos de separación e divorcio, os ex cónxuxes presentaran declaración conxunta no exercicio fiscal anterior, deberá achegarse certificación acreditativa dos datos fiscais individualizados da persoa solicitante, ou ben estarase aos importes resultantes do certificado de retencións expedidos pola empresa, certificados de prestacións sociais, e subsidiariamente, da declaración xurada de ingresos do xeito previsto anteriormente.

☞ Resolución da axuda de emerxencia social ou informe de servizos sociais para o caso de tarifa reducida do 75%.

☞ Circunstancias que acrediten atoparse nalgún dos supostos de familia de especial consideración, de acordo coa definición e requisitos establecidos na lei 3/2011, de 30 de xuño, de apoio á familia e á convivencia de Galicia.



3. Poderá esixirse en calquera momento a ampliación da documentación acreditativa das diferentes circunstancias que puntúan no baremo de taxas reducidas.
4. A omisión, falsidade dos datos o dos documentos achegados serán causa de denegación, con independencia da incoación do correspondente expediente sancionador.
5. Será requisito previo para a concesión dunha taxa reducida que o suxeito pasivo beneficiario non teña débedas pendentes do pagamento co Concello. Para inadmitir a taxa reducida, a débeda deberá estar en vía executiva (unha vez ditada providencia de prema) e acreditarse pola oficina de recadación municipal. Nos supostos de solicitude de fraccionamento, adiamento ou suspensión da de débeda en vía executiva, a resolución estimatoria da solicitude permitirá a admisión de peticións de bonificacións ou exencións, se ben o incumprimento de calquera dos prazos ou fraccións outorgadas dará lugar á perda automática do beneficio fiscal
6. O suxeito pasivo beneficiario de calquera taxa reducida tributaria deberá comunicar calquera variación que se produza nas circunstancias da súa concesión.
7. Agás que a lei dispoña outra cousa, tales taxas reducidas deberán instarse ó tempo de efectuar a declaración tributaria ou nos prazos establecidos na respectiva Ordenanza. Transcorridos ditos prazos, perderase o dereito a solicitar o beneficio fiscal para o exercicio correspondente.

*Artigo 8.- Revisión das taxas reducidas, aplicación das taxas reducidas e extensión dos seus efectos.*

8.1. Prazo de presentación de solicitude de taxa reducida.

A aplicación de taxas reducidas efectuarase a petición de parte, coa xustificación documental que proceda.

Establécese o prazo para presentar as solicitudes de taxas reducidas dende o 27 de xuño ao 8 de xullo do exercicio correspondente. Xunto con aquelas deberán aportar toda a documentación prevista no artigo anterior.

As solicitudes presentadas fóra deste prazo establecido non serán tidas en conta.

8.2. Revisión das taxas reducidas.

Unha vez recibidas as solicitudes coa documentación que teñan que aportar o Concello as valorará.

Requirirase aos solicitantes para que no prazo de dez días hábiles, contados dende o día seguinte ao da súa notificación, acheguen ao concello canta documentación consideren necesaria para a súa toma de consideración.

A autorización para obter os datos relativos á última declaración da renda habilita ao Concello a obtelos sen necesidade de presentación polo usuario do servizo.



As taxas reducidas estenderase a outros programas/actividades dos servizos educativos e culturais dos que sexa usuario durante todo o exercicio e ata a seguinte revisión sempre que medie solicitude expresa en cada un dos programas/actividades.

*Artigo 9. Normas de xestión e forma de pagamento.*

1. A taxa por matrícula esixirase en réxime de autoliquidación.
2. Cando se presente a solicitude de inscrición para o Conservatorio ou Escola de Música presentárase debidamente cuberto o impreso de autoliquidación das taxas.
3. O ingreso da taxa de matrícula ordinaria pódese facer en tres prazos segundo o seguinte calendario:
  - a) primeiro prazo: ao formaliza-la matrícula e polo 40% do seu importe (mes de xuño).
  - b) segundo prazo: durante o mes de decembro e polo 30% do seu importe.
  - c) terceiro prazo: durante o mes de marzo e polo 30% do seu importe.
4. O alumnado acollido ao sistema de matrícula fraccionada deberán de facer constar inescusablemente no impreso de autoliquidación, o número de conta corrente onde desexan que lle sexa cargado o recibo correspondente ao segundo prazo e terceiro prazo.
5. O non pagar o segundo ou terceiro prazo de matrícula levará a non entrega de calquera tipo de documentación académica (certificacións, traslado de expediente, etc ...).

*Artigo 10. Perda do dereito de matrícula na Escola de Música*

Perderase o dereito de matrícula despois de 2 anos continuados dun informe desfavorable do profesorado (2 anos consecutivos sendo NON APTO).

Disposición Final. Entrada en vigor y comienzo de aplicación de la ordenanza.

La presente ordenanza entrará en vigor el día de su publicación íntegra en el boletín oficial de la provincia y comenzará a regir el día uno de enero del año 2017, permaneciendo en vigor hasta su derogación o modificación expresa

**- Aprobación provisional:**

**-- sesión do Pleno: 29/09/2016**

**-- publicación:**

**\* BOP nº. 230 do 05/10/2016**

**\* Diario "La Región" do 01/10/2016**

**- Aprobación definitiva:**

**-- modificación do artigo 5 (Contía) e Disposición final.**

**-- sesión do Pleno: 01/12/2016**

**-- publicación:**

**\* BOP nº. 283 do 12/12/2016**



CONCELLO  
**DO CARBALLIÑO**  
(OURENSE)

PRAZA MAIOR, 1  
Telfno: 530007 - Fax: 530008  
32500 O Carballiño (Ourense)

*\* Diario "La Región" do 12/12/2016*  
*-- entrada en vigor: 01/01/2017*